

(بنحبك)

صباحك بيضحك ويومك لطيف
 بنفطر بجبنه وحته رغيف
 وبنحلى بميه وبنام خفيف
 اساسى مرتب ساوى الرصيف
 وراح التمنى برحله ومصيف
 وحبي وولائى لشرطه وجيش
 وقضاءنا عادل بينصف شريف
 شلل رباعى و حزمه قانون
 ثوانى غير بدقه وفنون
 واما الدمار يا مشفى الجنون
 قمع وتعسف وبركان آئين
 صرخه بائس يائس حزين
 تصدى لظلم وقهر السنين
 وقرار احادى وخاب الظنون
 وضاع كل حق معلم حنون
 ادى الرساله بحب وامان
 وخرج محامى وظابط كمان
 وراعى العداله بفطنه وكلام
 وغرضه يعلم ولاده السلام
 اساسى مرتب مجمد عقيم
 علاوة تزيد بقرش ومليم
 وحياة كريمه لمعلم حكيم
 بنقدم مطالب لقائد عظيم
 صان الرساله وحقق نعيم
 مواجهه ارهاب تظاهر غشيم
 حريه وكرامه واعلام اليم
 دستور وصحوة وشعب كريم

بنربي اولادكم بفطرة ويقين
 فاكركنا حراميه وشله فراعين
 صامتين بصبر ومرار دفين
 صراع تحدى وواقع صريم
 ظروف تتحسن وبعد السنين
 غلاء وزاد ضعف وضعفين
 هموم وقبضه حديدية وصاعين
 وحقوقنا مشروعه ومحمية
 من غير ماتطلب نقديه
 ضرائب وزادت واعباء قضيه
 ودخل نقص لنص المهيه
 والخنقه طفحت مرارة ورزيه
 بركان غضب شرارة وشجيه
 بشر وعائش ونفوس آبيه
 سيجارة مزاج وشيشه عصيه
 تايه مواطن وكسر الاشارة
 تدفع مخالفه واكبر غرامه
 معاش ضئيل وتردى معيشه
 وكل حاجه صبحت مخيفه
 فساد ورشوة ونفس ذليله
 كرامه وطيبه اسرة وعيله
 لكل ظالم بدايه ونهايه
 قصاص الحقوق اساسى وكفايه
 بقلم محمد عباس معلم الاسماعيليه